

სახელმწიფო უსაფრთხოებისა და კრიზისების მართვის
საბჭოს აპარატი



სატენდერო დოკუმენტაცია
ციფრული ტელევიზიის მომსახურების შესყიდვაზე
გამარტივებული ელექტრონული ტენდერის საშუალებით
(CPV92224000)

წინამდებარე სატენდერო დოკუმენტაცია შედგენილია "სახელმწიფო შესყიდვების შესახებ" საქართველოს კანონისა და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანების საფუძველზე.

თბილისი

2016 წელი

ინსტრუქცია ტენდერში მონაწილეობისათვის

1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდი: www.procurement.gov.ge:

- ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;
 - ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.
2. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.
3. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარმოდგენამდე.
4. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.
5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
6. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
7. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.
8. ალტერნატიული სატენდერო წინადადების წარმოდგენა არ არის დაშვებული.
9. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან: სატენდერო კომისიის აპარატის წევრი: დავით გაგუა, ტელ: 577102010 ელ. ფოსტა: dgagua@sscmc.gov.ge

1. ტექნიკური დოკუმენტაცია

1.1 შესყიდვის ობიექტის ტექნიკური აღწერილობა: ციფრული ტელევიზიით უზრუნველყოფილი მომსახურება.

მომსახურება უნდა განხორციელდეს ციფრული ტელევიზიის პაკეტებით (არხების მინიმალურრაოდენობიანი (mini პაკეტი) და მაქსიმალურრაოდენობიანი (maxi პაკეტი)), კერძოდ მიმწოდებელმა უნდა უზრუნველყოს შემდეგი რაოდენობის პაკეტებით მომსახურება:

- mini პაკეტი: 25 ერთეული
- maxi პაკეტი: 5 ერთეული
- მიმწოდებელმა უნდა უზრუნველყოს 24 საათიანი, უწყვეტი, შეუფერხებელი და მაღალი გარჩევადობის ხარისხის სატელევიზიო მაუწყებლობის სერვისით მომსახურება
- სატელევიზიო მომსახურების mini პაკეტში უნდა შედიოდეს არანაკლებ 70 არხი - ყველა ქართული არხი, ასევე უცხოური საინფორმაციო და შემეცნებითი არხები.
- maxi პაკეტი უნდა მოიცავდეს არანაკლებ 130 არხს - ყველა ქართულ არხს, უცხოურ საინფორმაციო და სამეცნიერო არხებს, მათ შორის მაღალი გარჩევადობის HD არხებსაც.
- პრეტენდენტმა უნდა უზრუნველყოს შემსყიდველი ეთერის მართვის ფუნქციით, კერძოდ შესაძლებელი უნდა იყოს გადახვევა, დაპაუზება და ა.შ.

2. განსაკუთრებული პირობები:

2.1. მიმწოდებელმა უნდა უზრუნველყოს პაკეტით მომსახურების გაწევა 2017 წლის 1 იანვრიდან 2017 წლის 31 დეკემბრის ჩათვლით, მოთხოვნის დაფიქსირებიდან არაუგვიანეს სამუშაო დღისა.

2.2. შემსყიდველი უზრუნველყოფს კონკრეტულად ექსპლუატირებული პაკეტების (ყოველთვიურად) საფასურის ანაზღაურებას.

2.3. იმ შემთხვევაში თუ საჭირო გახდება მოქმედი პაკეტის შეჩერება/დროებითი შეჩერება, მიმწოდებელი ვალდებულია განახორციელოს კონკრეტული პაკეტით მომსახურების შეჩერება, შემსყიდველისათვის დამატებითი თანხის გადასახადის დაკისრების გარეშე. შეჩერებულ პაკეტს, შეჩერების შესაბამისად აღარ უნდა დაეკისროს ყოველთვიური მომსახურების ღირებულება.

3. მომსახურების გაწევის ვადა და ადგილი:

3.1 მომსახურება განხორციელდება 2017 წლის 1 იანვრიდან 2017 წლის 31 დეკემბრის ჩათვლით.

3.2 მომსახურების გაწევის ადგილია ქ. თბილისი, ინგოროყვას ქ#7.

4. პრეტენდენტის სატენდერო წინადადებასთან ერთად სისტემაში ატვირთული უნდა იქნეს შემდეგი ინფორმაცია:

4.1 რეკვიზიტები (დასახელება, მისამართი, ტელეფონი/ფაქსი, ელექტრონული მისამართი, საბანკო რეკვიზიტები, ხელმძღვანელი პირის სახელი, გვარი) დანართი #1 მიხედვით;

4.2. ფასების ცხრილი დანართი #2 -ის მიხედვით;

5. ანგარიშსწორების პირობები:

5.1. ანგარიშსწორება მოხდება უნაღდო ანგარიშსწორებით ლარში.

5.2. ანგარიშსწორება განხორციელდება ეტაპობრივად, მომსახურების გაწევის შემდეგ, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

5.3. წინასწარი ანგარიშსწორება არ გამოიყენება.

6. ფასწარმოქმნის ადეკვატურობის დასაბუთება:

გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 2¹ პუნქტის შესაბამისად, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია უფლებამოსილია პრეტენდენტისაგან მოითხოვოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით).

დაფინანსების წყარო: 2017 წლის სახელმწიფო ბიუჯეტიდან მიღებული ასიგნებები.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკი:

ბანკის კოდი:

ანგარიშსწორების ანგარიში:

1. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი: _____ ლარი.

(თანხა ციფრებით და სიტყვიერად)

ხელმოწერა, ბეჭედი _____

ფასების ცხრილი

#	პაკეტის დასახელება	პაკეტების რაოდენობა	1 ერთეული პაკეტის ყოველთვიური სააბონენტო ღირებულება	პაკეტის ჯამური სააბონენტო ღირებულება 12 თვის განმავლობაში
1	2	3	4	5
1	mini პაკეტი	25		
2	maxi პაკეტი	5		

ხელმოწერა, ბეჭედი _____

ხელშეკრულება სახელმწიფო შესყიდვის შესახებ #

ქ. თბილისი

_____ **2016 წელი**

ერთის მხრივ, სახელმწიფო უსაფრთხოებისა და კრიზისების მართვის საბჭოს აპარატი, წარმოდგენილი ადმინისტრაციული დეპარტამენტის დირექტორის მოადგილის მიხეილ ხაჩიძის სახით (შემდგომში “შემსყიდველი ორგანიზაცია”) და მეორეს მხრივ _____ დირექტორის _____ სახით (შემდგომში “მიმწოდებელი”) წოდებული მხარეებად, გამარტივებული ელექტრონული ტენდერის საფუძველზე ვდებთ ხელშეკრულებას შემდეგზე:

მუხლი 1. ხელშეკრულების ობიექტი

ხელშეკრულების ობიექტს წარმოადგენს ციფრული ტელევიზიის მომსახურების შესყიდვა (CPV92224000).

მუხლი 2. ხელშეკრულების ღირებულება

2.1. ხელშეკრულების საერთო ღირებულება შეადგენს ----- ლარი;

2.2. ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება “მიმწოდებელს”.

მუხლი 3. მომსახურების გაწევის ადგილი და ეტაპობრივი ვადები

3.1. მომსახურება განხორციელდება 2017 წლის 1 იანვრიდან 2017 წლის 31 დეკემბრის ჩათვლით.

3.2. მომსახურების გაწევის ადგილია: ქ. თბილისი, ინგოროყვას ქ#7.

მუხლი 4. მომსახურების მიღება-ჩაბარება

4.1. მომსახურების მიღების შემდეგ მხარეებს შორის ფორმდება მიღება-ჩაბარების აქტი, რომლის საფუძველზეც “მიმწოდებელი” “შემსყიდველს” წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

4.2. შემსყიდველის მიერ მიღებული მომსახურების აღიარება (ცნობა) მოხდება მომსახურების მიღების შემდეგ ორივე მხარისაგან ხელმოწერილი მიღება-ჩაბარების აქტისა და დადასტურებული საგადასახადო ანგარიშ-ფაქტურის საფუძველზე.

მუხლი 5. ანგარიშსწორების პირობები:

5.1. ანგარიშსწორება მხარეთა შორის ხორციელდება უნაღდო ანგარიშსწორების წესით, “მიმწოდებლის” მიერ მითითებულ საბანკო ანგარიშზე.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი და წარმოდგენილი საგადასახადო ანგარიშ-ფაქტურა საგადასახადო კოდექსით დადგენილი წესითა და ვადებში.

5.3. ანგარიშსწორება განხორციელდება ეტაპობრივად, მომსახურების გაწევის შემდეგ, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

მუხლი 6. მხარეთა უფლება-მოვალეობანი

6.1. “შემსყიდველი ორგანიზაცია” უფლებამოსილია:

6.1.1. საქართველოს კანონმდებლობის შესაბამისად შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში;

6.1.2. აწარმოოს მომსახურების ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

6.2. “შემსყიდველი ორგანიზაცია” ვალდებულია:

6.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-5 მუხლით გათვალისწინებული წესისა და პირობების შესაბამისად;

6.3. “მიმწოდებელი” უფლებამოსილია:

6.3.1. მიიღოს მიწოდებული მომსახურებისათვის ხელშეკრულებით გათვალისწინებული ანაზღაურება.

6.4. “მიმწოდებელი” ვალდებულია:

6.4.1. საკუთარი რესურსებით უზრუნველყოს „შემსყიდველი“ ინსპექტირების ჩატარებისათვის ტექნიკური საშუალებებით და სხვა სამუშაო პირობებით, ხოლო, „შემსყიდველის“ მოთხოვნის საფუძველზე აუცილებელი პერსონალით.

მუხლი 7. დაუძლეველი ძალა

7.1 მხარეები თავისუფლდებიან ხერშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

7.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

7.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 8. ხელშეკრულების პირობების და ფასების გადასინჯვა

8.1. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის თანხმობით; ცვლილებების და დამატებების შეტანა ხორციელდება წერილობითი ფორმით;

8.2. ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

8.4. ხელშეკრულების პირობების ნებისმიერი ცვლილება უნდა გაფორმდეს “შეთანხმების” სახით, რომელიც ჩაითვლება ხელშეკრულების განუყოფელ ნაწილად.

8.5. ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან;

მუხლი 9. ხელშეკრულების შეწყვეტა

წინამდებარე ხელშეკრულების შეწყვეტის საფუძვლებია:

9.1. მხარეთა შეთანხმება;

9.2. ხელშეკრულებით ნაკისრი ვალდებულებების შესრულება;

9.3. ერთი მხარის მიერ 10 (დღის) განმავლობაში ხელშეკრულებით ნაკისრი ვალდებულებების შეუსრულებლობა;

9.4. საქართველოს კანონმდებლობით გათვალისწინებული სხვა შემთხვევები.

მუხლი 10. დავის გადაწყვეტა

10.1. მხარეები სადავო საკითხებს წყვეტენ ურთიერთშეთანხმების საფუძველზე;

10.2. თუ ასეთი შეთანხმება ვერ იქნება მიღწეული, მხარეთა შორის დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესის შესაბამისად.

მუხლი 11. ხელშეკრულების პირობების შეუსრულებლობა

11.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

11.2. მომსახურების მოწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე გასაწევი მომსახურების ღირებულების 0.2%-ის ოდენობით,

11.3. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 5%-ის ოდენობით.

მუხლი 12. სახელმწიფო შესყიდვის შესახებ ხელშეკრულების კონტროლი

12.1. ხელშეკრულებით ნაკისრი ვალდებულებების შესრულების კონტროლსა და მიღება-ჩაბარების დოკუმენტაციის გაფორმებას განახორციელებს:

12.1.1 სახელმწიფო უსაფრთხოებისა და კრიზისების მართვის საბჭოს აპარატის ადმინისტრაციული დეპარტამენტი;

მუხლი 13. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს -----.

მუხლი 14. განსაკუთრებული პირობები

14.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;

14.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს თანაბარი იურიდიული ძალა აქვს

14.3. ხელშეკრულების ერთი ეგზემპლარი ეგზავნება “მიმწოდებელს”, ხოლო ორი ინახება “შემსყიდველ ორგანიზაციაში”.

მუხლი 15. მხარეთა რეკვიზიტები

„შემსყიდველი“

„მიმწოდებელი“